



ZIMBABWE SCHOOL EXAMINATIONS COUNCIL

GRADE SEVEN EXAMINATION, SPECIMEN PAPER.

NDEBELE
PAPER 2

706/2

SPECIMEN PAPER

Time: 1 hour 45 minutes

IZIQONDISO ZABABHALI BOMHLOLISO

Umhloliso lo ufanele ubhalwe phakathi kwehola elilodwa lemisuzu engamatshumi amane lanhlano (1 hour 45 minutes).

1. Funda iziqondiso **lezi** ngokunanzelela ungakaqalisi umhloliso.
2. **Nxa** ungazwisisi iziqondiso, buza umbhalisi womhloliso **ungakaqalisi**.
3. Sebenzisa **usiba oluluhlaza** (blue) kumbe olumnyama ekubhaleni izimpendulo zakho.
4. Ungavuli iphepha leli ungakatshelela ukuthi usungalivula.
5. Esigabeni **I**, khetha isihloko **esisodwa zwi** ubhale ngaso, kusigaba **II** phendula yonke imibuzo.
6. Bhala ibizo lakho, inombolo yendawo ohlolelwa kuyo lenombolo yakho wena ohlolwayo ezikhaleni oziphiweyo ephepheni lakho lezimpendulo.
7. Bhala izimpendulo zakho **ngesiNdebele esiqondileyo**.
8. Uma usebenzise amaphepha amabili kumbe adlulayo, **abophele ndawonye**.
9. Ababhali bacetshiswa ukuthi bachithe ihola elilodwa esigabeni **I** lemisuzu engamatshumi amane lanhlano esigabeni **II**.

IZELULEKO KWABAHLOLWAYO

Imiklomelo ephiwa umbuzo munye ngamunye kumbe ingxenye yombuzo itshengisiwe ezibayeni [] ekucineni kombuzo.

Umhloliso lo ubhalelwe emaphepheni amane.

Copyright: Zimbabwe School Examinations Council, Specimen Paper.

ISIGABA 1 (20 MARKS)**1 Indaba**

Ababhali bacetshiwa ukuthi basebenzise ihola elilodwa (1 hour) bephendula umbuzo lo.

Khetha isihloko esisodwa kulezi ezilandelayo ubhale ngaso ngamabala alikhulu kusiya kwalikhulu lamatshumi amabili (100-120). Encwadini, ikheli, isibingelelo, kanye lesivaleliso akubalelwa kunani lamabala. Kungxoxo njalo, amabizo abalingiswa lawo awabalelwa kunani lamabala engxoxo.

- (a) Bhala indaba ulandisa ngelanga lakho lokuqala emncintiswaneni wokugijima owenzelwa kwesinye isikolo.
- (b) Bhala indaba elamazwi athi:- “Ngadabuka kakhulu emoyeni wami ngalelolanga.”
- (c) Bhala ingxoxo phakathi kwabantwana besikolo ababili bexoxa ngobuhle bezifundo ezintsha esezikhona esikolo sabo.
- (d) Bhalela abezempilakahle incwadi ubanxusa esikolo sakho ukuba bazofundisa ngemikhuhlane ethile langokuvikelwa kwayo.
- (e) Bhalela abezemfundo umbiko ubatshela ngomonakalo odalwe ngumlilo esikolo sakho.

ISIGABA 2 (10 MARKS)**2 Indaba yokuzwisisa**

Ababhali bacetshiswa ukuthi bachithe imizuzu engamatshumi amane lanhlanu (45) bephendula imibuzo ekulesi isigaba.

Bala indaba elandelayo ube usuphendula imibuzo elandelayo usebenzisa imitsho egcweleyo njalo epheleleyo.

Kwathi kutshaya ihola letshumi ekuseni abadala labatsha sebethwe gwaqa emkhuneni ngoba benxuswe yinduna yabo uNkawana.

Emkhuneni lapha yikho okuhlangana khona umphakathi obuswa yinduna le. Kuthoniselwa amacala kulindawo, kukhuzelwa khona izephulamthetho njalo kuxoxwa ezemvelo lezamasiko. Yikho lapha futhi okwenzelwa khona imikhosi lezimemezelo eziqakathekileyo kanye lokufundiselwa khona uzulu izifundo zezinhlanganiso ezitshiyeneyo.

Mhlalokho induna yayinxuse amapholisa. Phela kwasekwande ukudalwa kwamacala amanengi kulesosigaba. Induna yavezela umphakathi abomthetho laba, uTshakalisa loMnkandla. Baphiwa ithuba, baqala ngokubingelela abantu kwasekulandela izixwayiso.

Abomthetho laba baxwayisa uzulu ukuthi ayekane lobusela, ukulwa, ukubulalana lokuthwala izikhali ezilimazayo. Bakhuzwa njalo ngokuzingela bengelamvumo lokusebenzisa itshefu emadamu ukubulala inhlanzi. Baqeda ngokucela uzulu ukuthi abazise masinyane nxa bethe babona owephula umthetho.

Induna yabonga uzulu ngokuza ngobunengi. Yabonga njalo abomthetho ngezixwayiso. Wachitheka umbuthano ngehola letshumi lamabili seligwaze umhlaba.

IMIBUZO

- (a) Basebebuthene ngaphi abantu ngehola letshumi? [1]
- (b) Ngubani owayenxuse abadala labatsha? [1]
- (c) Kuyini okwasekugwaze umhlaba kule indaba? [1]
- (d) Aqala ngokwenzani amapholisa engakaxwayisi abantu? [1]
- (e) Kungani induna yanxusa amapholisa? [1]
- (f) Ngawakho amazwi finqa indaba oyibalileyo ibengamabala angamatshumi amathathu lanhlanu (35) uveza izixwayiso ezaphiwa uzulu ngamapholisa [5]

BLANK PAGE